



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**  
*Služba za finansije, privredu, komunalne i inspeksijske poslove*

---

Br. 04-14-2-466-26/17  
Datum: 11.12.2017. godine.

**PREDMET: IZVJEŠTAJ O PROVEDENOJ JAVNOJ RASPRAVI**

Na 12. sjednici Općinskog vijeća, održanoj dana 31.10.2017. godine, prihvaćen je nacrt Budžeta Općine Tešanj za 2018. godinu i upućen na javnu raspravu.

Javna rasprava je bila otvorena 30 dana, zaključno sa 08.12.2017. godine. Poziv na javnu raspravu upućen je građanima i korisnicima budžeta putem radio i tv medija općine Tešanj, objavom na web stranici i kontaktima putem resornih službi.

U periodu provođenja javne rasprave organizovana su dva termina za usmeni dio rasprave na kojim su prisustvovala 32 lica sa evidentiranih 18 primjedbi i prijedloga. Pored toga dostavljeno je i 15 pismenih zahtjeva od strane učesnika rasprave.

Uz sažetak iznesenih prijedloga svih učesnika u javnoj raspravi, date su informacije o stavovima Predlagača i posljedica iznesenih prijedloga na konačni tekst Prijedloga Budžeta općine Tešanj za 2018. godinu.

**PREGLED PRIJEDLOGA I PRIMJEDBI SA IZJAŠNJAVANJEM PREDLAGAČA:**

- **JZU „Opća bolnica Tešanj“** je tražila da se u budžetu predvide sredstva za sufinansiranje planiranih kapitalnih ulaganja Ustanove (klimatizacija, sanitarno vozilo, dijalizni aparat, nadstrešnica, termoglav i projektovanje). Ukupna predračunska vrijednost sredstva za ove projekte iznose cca. 300.000 KM, od čega se od Općine traži cca. 100.000 KM.

**Predlagač:**

Prijedlog je djelimično prihvaćen i u okviru budžeta za narednu godinu će biti planiran dio sredstava za sufinansiranje projekata. Osim toga, Vlada Federacije BiH je na sjednici od 14.12. donijela Odluku o odobravanju vanrednih sredstava u iznosu od 158.000 KM.

- **JU „Sportsko-rekreacioni centar“** je tražila da se za narednu godinu u budžetu Općine planiraju sredstva za sufinansiranje projekata proširenja prilaznog puta dvorani, odvodnje oborinskih voda na objektu Musala i otkup zemljišta na Lukama.

**Predlagač:**

Organiziran je poseban sastanak na kojem su analizirani prioriteti u sportskoj infrastrukturi i JU SRC. Usuglašena je kao prioritetna aktivnost finansiranje obnove bazena na Kiseljaku, što je izvršteno u Budžet.

- **JP „Toplana“ d.d. Tešanj** je tražilo da se u budžetu planiraju sredstva za sufinansiranje nastavka radova na toplifikaciji – Grana IX za priključenje projektna 23 nova objekta u visini od cca. 50.000 KM.

**Predlagač:**

Prijedlog je djelimično prihvaćen i u okviru budžeta za narednu godinu će biti planiran dio sredstava za sufinansiranje projekata.

- **JU „Centar za socijalni rad Tešanj“** je zatražila uvećanje sredstava za Ustanovu zbog potrebe zapošljavanja još jednog socijalnog radnika što na godišnjem nivou iziskuje dodatnih 30.000 KM. Pored toga zatraženo je uvećanje sredstava grantova za pomoć bračnim parovima bez djece za umjetnu oplodnju za 20.000 KM zbog visoke cijene zahvata i većeg broja bračnih parova bez djece. U dijelu kapitalnih ulaganja zatraženo je izdavanje sredstava za projektovanje novog objekta Centra od 7.000 KM i gradnju istog od 300.000 KM.

**Predlagač:**

Gradnja novog ili proširenje novog objekta za Centar je svakako prioritarna aktivnost i u prijedlogu je nove strategije, ali ne za 2018. godinu. Trenutno ne postoji konačno idejno rješenje. Analizirana je opcija da se objekat gradi na drugoj lokaciji, pa se pokazalo da općina nema adekvatnu slobodnu lokaciju. Obavljen je razgovor za kupovinu susjedne parcele, međutim vlasnici nisu ni blizu procjene vještaka ekonomske struke. Treća opcija da se na postojećem zemljištu objekat preuredi i dogradi je takođe moguća. Trenutno nemamo građevinske projekte niti potrebne dozvole, tako da nije realno očekivati da se u 2018. godini može vršiti gradnja. Sredstva za projektovanje se mogu koristiti u okviru raspoložive stavke za projektovanje. Zahtjev za izradu projektne dokumentacije je prihvaćen i isto će biti realizovano kroz budžetsku stavku projektovanja.

Drugi prijedlog nije prihvaćen, ali će se za narednu godinu akumulirati sredstva koja su dodijeljena za 2017. godinu, tako da će fon za pomoć bračnim parovima bez djece za umjetnu oplodnju iznositi ukupno 20.000 KM.

Prijedlog za prijem novog uposlenika nije prihvaćen.

- **JU „Centar za kulturu i obrazovanje Tešanj“** je zatražila izdvajanje sredstava za rekonstrukciju postojećeg klima sistema velike sale i panik rasvjetu u visini od 24.500 KM.

**Predlagač:**

Prijedlog je djelimično prihvaćen i u okviru budžeta za narednu godinu će biti planiran dio sredstava za sufinansiranje projekata adaptacije grijanja i drugih sličnih projekata.

- **JU „Mješovita srednja škola Tešanj“** je zatražila sredstva za rekonstrukciju radionice za zanimanje ugostiteljski tehničar u okviru projekta koji će biti sufinansiran iz međunarodnih izvora i od strane ZE-DO kantona.

**Predlagač:** U budžetu Općine su izdvojena sredstva za podršku projektima drugih nivoa vlasti i međunarodnih institucija, te se ovaj projekta može podržati u slučaju odobravanja istog za realizaciju od strane drugih institucija.

- **Srkalović Emir** (NK „TOŠK“ Tešanj) je tražio uvećanje sredstava za sport, zbog rasta broja klubova, rasta broja sportista i broja sportskih radnika, kao i teškog položaja klubova malih sredina u odnosu na velike centre.

**Predlagač:**

Prijedlog je prihvaćen, te je izvršeno uvećanje budžetske stavke za sport (u odnosu na rebalans iz 2017. koji je bio veći u odnosu na početni budžet u 2017.), iako je već izvršila uvećanje sredstava u odnosu na tekuću godinu, a prethodno je izvršeno uvećanje u okviru izrade rebalansa iz mjeseca jula.

- **MZ Jelah** je zatražila uvećanje sredstava koja se izdvajaju za rad mjesnih zajednica, grantova za kapitalna ulaganja i izdvajanje većih sredstava za finansiranje manifestacije „Jelaško ljeto“.

**Predlagač:**

Prijedlog je prihvaćen u dijelu povećanja sredstava grantova za rad mjesnih zajednica. Takođe je prihvaćeno uvećanje sredstava za kapitalna ulaganja. Sredstva za manifestaciju „Jelaško ljeto“ se izdvajaju u okviru postojeće stavke.

- **MZ Tešanjka** je zatražila uvećanje sredstava za rad mjesnih zajednica i uvećanje sredstava za sport, uz smanjenje dijela sredstava za komunalno uređenje.

**Predlagač:**

Prijedlog je prihvaćen i u okviru budžeta za narednu godinu će biti planirano djelimično uvećanje sredstava grantova za rad mjesnih zajednica, kao i za rad sportskih klubova.

- **MZ Raduša, MZ Medakovo, MZ Jevadžije, MZ Kalošević i MZ Bukva** su takođe zatražile uvećanje sredstava za rad mjesnih zajednica, dok su MZ Raduša i MZ Kalošević zatražili i izmjenu načina raspodjele sredstava po mjesnim zajednicama. Traženo je i uvećanje kapitalnih ulaganja.

**Predlagač:** Prijedlog je djelimično prihvaćen u dijelu povećanja sredstava grantova za rad mjesnih zajednica, a način raspodjele je predmet posebne Odluke Općinskog vijeća. Prihvaćen je prijedlog uvećanja kapitalnih ulaganja.

- **Kasim Huskić (Mjesna zajednica O.Planje)** je tražio uvećanje sredstava za rad mjesnih zajednica za 15%; da se izdvoji posebna stavka za izradu projekte dokumentacije za potrebe mjesnih zajednica od 50.000 KM koja bi se dodjeljivala putem granta; da se izdvoje sredstva od 250.000 KM za sanaciju putne infrastrukture u mjesnim zajednicama koja bi se dodjeljivala grantom; da se obezbijede sredstva za sanaciju objekata domova kulture u preostale 4 mjesne zajednice; da se izdvoje sredstva za uređenje korita u mjesnim sredinama koja bi se dodjeljivala putem granta, a da se sredstva obezbijede umanjnjem kapitalnog dijela budžeta.

**Predlagač:**

Prihvaćen je djelimično prijedlog za uvećanje sredstva za rad mjesnih zajednica, dok su preostali zahtjevi već uključeni kroz postojeći budžet (održavanje putne infrastrukture, izrada projektne dokumentacije, uređenje korita i uređenje domova kulture). Mjesne zajednice same definišu prioritete, tako da od istih zavise i projekti koji će se realizovati u okviru planiranih stavki, uključujući i rekonstrukcije postojećih asfaltnih površina u okviru kapitalnih investicija.

- **Služba za društvene djelatnosti i investicije** je istakla potrebu planiranja dijela sredstava za projektovanje i obezbjeđenje prostora za gradnju novih jedinica za smještaj socijalno ugroženih lica iz sredstava CEB II - zatvaranje kolektivnih centara/omogućavanje javnih stambenih rješenja, u visini od 30.000,00 KM. Istaknut je i zahtjev za sufinansiranje projekata mjesnih zajednica i NVO u programu UNDP-a od cca. 50.000 KM. Zatraženo je i povećanje sredstava za dječije igraonice i osnovne škole od 2.000, odnosno 4.000 KM.

**Predlagač:**

Prva dva zahtjeva se mogu realizovati u okviru postojećih planiranih stavki uz djelimično uvećanje istih, dok su druga dva zahtjeva prihvaćena u cijelosti.

- **Služba za finansije, privredu, komunalne i inspekcijske poslove** je tražila uvećanje sredstava za sajamske aktivnosti za iznos obezbijeđenih sredstava Federaciji BiH od 10.000 KM. Traženo je uključjenje subvencija za komunalne usluge socijalno ugroženim licima, uz postojeće subvencije za grijanje penzionera, od 7.000 KM.

**Predlagač:**

Oba zahtjeva su prihvaćena.

- **Medžlis islamske zajednice Tešanj** je istakao zahtjev za zadržavanje stavke za podršku projektima vjerskih zajednica na nivou iz tekuće godine (vraćanje umanjjenih sredstava od 5.000 KM). Tražena je i izmjena naziva granta.

**Predlagač:**

Oba prijedloga su prihvaćena.

- **Sportsko ribolovno društvo Jelah Tešanj** je zatražilo izdvajanje sredstava iz stavke „Grantovi za podršku projektima prema usvojenoj strategiji “ za potrebe revitalizacije Usore od 45.000 KM“.

**Predlagač:**

Prijedlog za usmjeravanje sredstava za potrebe revitalizacije rijeke Usore je prihvaćen, te je u budžetu predviđen iznos inicijalnih sredstava od 15.000 KM.

- **Udruženje civilnih žrtava rata Tešanj** je tražilo da se i za ovo udruženje obezbjedi finansiranje rada kao i kod udruženja od posebnog značaja u narednom budžetu.

**Predlagač:**

Sredstva na stavci su uvećana, s tim da odluku o udruženjima od posebnog značaja donosi Općinsko vijeće, dok se rad ovog Udruženja, sa svim nabrojanim aktivnostima, može u značajnoj mjeri finansirati kroz stavku predviđenu za ostala udruženja građana kandidovanjem projekata.

- **Sadiković Vahidin** je zatražio uvećanje dotacije za Centar za mentalno zdravlje za 600 KM.

**Predlagač:**

Sredstva za Centar se izdvajaju u definisanom iznosu kao i za preostale korisnike bez uvećanja. Prijedlog nije došao od upravitelja ovim aktivnostima, JZU Dom zdravlja.

Pored gore navedenih prijedloga, u toku javne rasprave doneseni su pojedini akti viših nivoa vlasti (odluke o raspodjeli sredstava Vlada FBiH, Fond za okoliš FBiH, Vlada ZDK...), obezbijeđene su dodatne informacije, te su izdefinisane strukture finansiranja projekata, tako da su i ovi elementi uzeti u razmatranje. Sve navedeno je uzrokovalo značajniju izmjenu dokumenta u odnosu na Nacrt.

Dostavljeno:

1. Općinskom vijeću
2. Služba,
3. Arhiva.

POMOĆNIK OPĆINSKOG NAČELNIKA

  
Hamzalija Hojkuć, dipl.ecc